

唐石  
臺本

孝經讀本

春江書局印行

言文 對照 國學入門叢書 音註 標點

言文對照三字經	五	分
增補百家姓(附英文百家姓)	五	分
言文對照千字文	八	分
言文對照神童詩	五	分
言文對照千家詩句解	二	角半
笠翁對韻	一	角
孝經讀本(唐石臺本)	八	分
孝經讀本姚氏學	一	角
孝經句解	兩	角
增補鑑略讀本	二	角半
言文對照幼學句解(二册)	一	角
銅板集註四書讀本(二册)	六	角
言文對照大學句解	五	角
言文對照中庸句解	一	角二
言文對照論語句解	一	角二
言文對照孟子句解	二	角半
國學入門書目及其讀法	四	角半
中國文學問答	三	角
春秋三傳精華(二册)	五	角
現代各科論文集	特	四角
	特	五角

新教育叢書

廖世承 楊保和 顧兆文主編

審定鄉村教育實施法	六	角
中心小學區制的理論和實際	九	角
小學教師必備	兩	角
最新小學教學法	三	角
教育行政及法規	五	角
教育心理學	三	角
教育原理	兩	角
視學綱要	三	角
教育測驗與統計	兩	角
各國教育制度	一	角
保甲組織下的兒童活動	兩	角

各種模範讀本

瞿世鎮主編

模範書信讀本(五册)	各	一	角
模範故事讀本(四册)	各	三	角
中國模範故事讀本	兩	角	半
歷史中心連續故事畫一岳飛	一	角	半
模範演說讀本	三	角	
演說指導	四	角	
模範遊記讀本	三	角	
模範作詞讀本	三	角	
模範戲劇讀本	三	角	
模範小說讀本	三	角	
模範論說讀本	三	角	

上海图书馆藏书




A541 212 0007 0062B

唐石臺本

孝經讀本

孫德餘署



# 孝經

上海姚景憲公曰經字始見於此  
卷帙雖簡已括天德王道之全

公諱文棟字志梁一字東木世  
稱東木老人 尊經會謹記

# 校印孝經讀本序例

明輝幼受孝經於母氏年十四。父由西洋歸督課經學。首重孝經。輯孝經鄭注考實二卷。孝經音義考證補一卷。今二十年矣。明輝既熟讀孝經。好其詞誼。而懼愛敬之不盡。然深知是經至要。思廣布人世。以普及教化。歲丙午。與弟明燐集同志友人。承季父之指揮。創西成小學堂於上海。明輝任讀經之課。即授學僮孝經。以立大本。雖年稚者未能盡解其誼。亦必使熟其詞。收效大而可久。遠勝於修身教科。歲壬子。西成定爲上海市立之初等小學校。校長凌樹燾能維校風而不懈。顧自民國教育法令廢止讀經。江蘇學校。惕於功令。西成學僮之不讀孝經也。蓋已二年矣。頃者教育浮僞。教化衰微。修身之書。未必能成其德教。長此以往。民俗將不可問。西成校長謀於明輝。計有以挽之。則復我二年前教法。實爲急務。爰定於修身教科之外。加授孝經。將欲由此以化民而成俗也。議既定。取石臺孝經校印之。並記孝經源流及其板本與夫章數字數之異同。句讀音

聲所依據。作例言二十有一則。復與淩樹燾覈計字數。分配授課之年期。週時附記四則於例言之後。夫

孔子行在孝經。經言孝民之行也。又言人之行莫大於孝。鄭君曰。孝爲百行之首。朱子曰。若不如此。便不成人。此皆教師之良規也。吾校果能行此而愛敬有加。則吾鄉之教庶由此而成乎。

一孔子以曾子能通孝道。故授之業。而作孝經。時孔子年七十二。曾子二十六。迄今凡二千三百九十二年。

一中庸孟子多與孝經相發明。魏文侯受子夏經義。著有孝經傳。禮記各篇多引繹孝經詞誼。呂不韋集賓客著書。亦載有孝經詞誼。此秦以前傳述孝經之大略也。

一秦火後。孝經有今文古文。河間人顏芝所藏。而其子貞出之者。爲今文。聖裔孔騰。孔鮒藏於孔宅壁中。而魯恭王得之者。爲古文。

一今文自顏貞出書。漢有長孫氏。江翁翼。奉后蒼四家著說。張禹著雜傳。古文孝經出壁後。漢昭帝時。魯國三老獻於朝。無其說。至王莽時。劉向取今

古文兩本校定爲十八章。卽今所傳孝經也。

一東漢孝經有鄭氏注。其後有虞翻、韋昭、宋均、徐整、劉瓛諸家。晉穆帝武帝荀昶三家以鄭爲主。皇侃作義疏。亦宗鄭注。賈公彥、孔穎達並疏孝經。亦皆鄭注之本。又陸德明釋文亦據鄭本。

一自長孫至於鄭氏以及皇、賈、孔三家之書。今皆亡佚。今所行者。唐玄宗之注。而宋邢昺等所修唐元行沖疏也。

一何休、高誘、王肅、何晏、劉邵皆傳孝經。魏晉六朝說孝經者尙有五十餘家。今皆不傳。莫知其惜。

一鄭注久佚。宋王應麟清臧鏞堂陳鱣嚴可均日本岡田挺之皆有輯本。曹先生元弼撰有孝經鄭氏注後定。家君督明輝課輯有孝經鄭注考實。一唐宋注疏而後有明儒呂維祺孝經大全、黃道周孝經集傳。今儒則元和曹先生元弼有孝經學、太倉唐先生文治有孝經大義述。

一東漢古文孝經。建武時衛宏校之。後許氏叔重與其子仲始撰說一篇。而鄭仲師馬融皆有注。今皆亡矣。隋人劉炫僞撰古文孝經孔安國傳。今亦

不存。至宋司馬溫公取炫本作指解。范祖禹又作說。

一朱氏彝尊經義考載孝經之書。今古文各家凡二百八十六部。其存者三十九部。佚者一百五十八部。未見者八十九部。

一孔子之教。孝弟爲本。鄭康成六藝論云。孔子以六藝題目不同。指意殊別。恐道離散。後世莫知根源。故作孝經以總會之。漢制使天下誦孝經。唐時孝經爲童蒙始學。清咸豐中有旨令歲科試增孝經論。蓋孝爲教之所由生。我國自漢以來二千年間。因此根源以傳要道。猶今世界各國所謂普及教育必需之書也。唐薛氏放曰。孝經者。人倫之大本。趙氏匡曰。孝經德之本。學者所宜先習。近儒陳氏澧言。讀經者當先讀此經。今校印此經以授兒童。師善教也。以上記源流

一鄭氏許氏皆無傳本。今所傳者。石臺孝經爲最古。唐玄宗天寶四載九月。以御注刻石於太學。謂之石臺孝經。距今實一千一百六十七年。今石在西安聖廟爲碑。凡四。

一阮文達據宋十行本刊孝經注疏。並取石臺以後各本。校勘異同。作校勘



記其所引據凡八本。石臺孝經而外。爲唐石經孝經。爲宋熙寧石刻孝經。爲南宋相臺本。柳岳孝經。爲明正德本孝經注疏。明嘉靖年閩本孝經注疏。萬歷年監本孝經注疏。崇禎年毛本孝經注疏。

一日本狩谷望之求古樓藏有北宋槧本御注孝經。較他宋刻爲古。求古樓重雕之。近始流入中國。爲阮校勘記所未載。

一今印此本。係依據石臺本。與他本相校。惟唐石經及宋刻諸本多一其字。在諫爭章不失天下句中失字之下。

一黎先生庶昌刻古逸叢書中。有覆卷子本。唐開元御注孝經。此係玄宗初注本。其經文亦與石臺本有異。顧其本實爲日本人留學中國傳鈔之本。究不如石刻本爲可信也。以上記板本

一今文孝經凡十八章。漢藝文志言長孫氏江氏后氏翼氏四家皆十八章。隋經籍志稱劉向校定之本亦十八章。至劉炫僞古文本。有二十二章。朱子取炫本作刊誤。改爲經一章。傳十四章。元吳澄又取劉向本改爲經一章。傳十二章。清任鈞臺又取朱子本加傳一章。

一 桓譚新論言古孝經千八百七十二字。今異者四百餘字。宋鄭耕老曰。孝經一千九百三字。按石臺孝經經文凡千七百七十八字。若益以章第題名一百四字。共千八百八十二字。以上記章數字數

一 讀經首重句讀。今據永懷堂刻本用○離之。惟聖治章故親生之膝下以養父母日嚴。諸家讀法有異。茲亦依永懷堂本。

一 書音之用。本示童蒙音書之體。本在段借。宜據經典釋文孝經音義。依元人圈發法。標示聲符。此亦讀本所當有之事也。以上記句讀音聲

一 讀本務令極熟。假定三年讀畢。平均每年讀五百九十三字耳。以每週計。僅讀五十字。不患不熟。亦不致傷腦也。

一 西成校訓。有訓言訓詞。以愛敬兩字爲訓言。兒童入學。卽令念熟。以爲受孝經之豫備。以用天之道。分地之利。謹身節用。以養父母四句爲訓詞。凡兒童修畢第一學年課業時。務令念熟。以爲終身行孝之本。

一 第二學年起。課讀孝經。至第四學年卒業時。讀畢全經。務令純熟。以應其終身道德之需。

一將全經分配年期週時定為教授細目略如左表。

開宗明義章第一 一百一十二字

第二學年

第一學期

授十週

天子章第二 二五十字

授四週

諸侯章第三 四七十字

第二學期

授五週

卿大夫章第四 七八十字

第三學期

授六週

士章第五 四八十字

第三學期

授六週

庶人章第六 三四十字

第一學期

授三週

三才章第七 一百九十字

第三學年

第一學期

授七週

孝治章第八 一百二十字

第二學期

授七週

聖治章第九 一百七十字

第三學期

授十四週

紀孝行章第十 九十字

第四學年

第一學期

授四週

五刑章第十一 七十字

授二週

廣要道章第十二 一八十字

授三週

廣至德章第十三 三八十字

授三週

廣揚名章第十四 四字

授二週

諫爭章第十五 十二字

第二學期  
授五週

應感章第十六 九字

授三週

事君章第十七 九字

第三學期  
授二週

喪親章第十八 十二字

授五週

每週皆有餘時留為溫習地步。讀經務熟而重在溫。不溫則不熟也。附以上記

孔子二千四百六十四年中華民國二年歲次癸丑冬至日上海姚明輝記於蘇州紫陽師範學校寒松文社之仰山樓

孝經

唐石臺本

開宗明義章第一

仲尼居。曾子侍。子曰。先王有至德要道。以順天下。民  
用和睦。上下無怨。汝知之乎。曾子避席曰。參不敏。何  
足以知之。子曰。夫孝。德之本也。教之所由生也。復坐。  
吾語汝。身體髮膚。受之父母。不敢毀傷。孝之始也。立  
身行道。揚名於後世。以顯父母。孝之終也。夫孝。始於  
事親。中於事君。終於立身。大雅云。無念爾祖。聿修厥  
德。

天子章第二

子曰。愛親者。不敢惡於人。敬親者。不敢慢於人。愛敬盡於事親。而德教加於百姓。刑于四海。蓋天子之孝也。甫刑云。一人有慶。兆民賴之。

諸侯章第三

在上不驕。高而不危。制節謹度。滿而不溢。高而不危。所以長守貴也。滿而不溢。所以長守富也。富貴不離其身。然後能保其社稷。而和其民人。蓋諸侯之孝也。詩云。戰戰兢兢。如臨深淵。如履薄冰。

卿大夫章第四

非先王之法服不敢服。非先王之法言不敢道。非先王之德行不敢行。是故非法不言。非道不行。口無擇言。身無擇行。言滿天下無口過。行滿天下無怨惡。三者備矣。然後能守其宗廟。蓋卿大夫之孝也。詩云。夙夜匪懈。以事一人。

### 士章第五

資於事父以事母而愛同。資於事父以事君而敬同。故母取其愛。而君取其敬。兼之者父也。故以孝事君則忠。以敬事長則順。忠順不失。以事其上。然後能保其祿位。而守其祭祀。蓋士之孝也。詩云。夙興夜寐。無

忝爾所生。

庶人章第六

用天之道。分地之利。謹身節用。以養父母。此庶人之孝也。故自天子至於庶人。孝無終始。而患不及者。未之有也。

三才章第七

曾子曰。甚哉。孝之大也。子曰。夫孝。天之經也。地之義也。民之行也。天地之經。而民是則之。則天之明。因地之利。以順天下。是以其教不肅而成。其政不嚴而治。先王見教之可以化民也。是故先之以博愛。而民莫



遺其親。陳之以德義。而民興行。先之以敬讓。而民不爭。導之以禮樂。而民和睦。示之以好惡。而民知禁。詩云。赫赫師尹。民具爾瞻。

### 孝治章第八

子曰。昔者明王之以孝治天下也。不敢遺小國之臣。而況於公侯伯子男乎。故得萬國之歡心。以事其先王。治國者。不敢侮於鰥寡。而況於士民乎。故得百姓之歡心。以事其先君。治家者。不敢失於臣妾。而況於妻子乎。故得人之歡心。以事其親。夫然。故生則親安之。祭則鬼享之。是以天下和平。災害不生。禍亂不作。

故明王之以孝治天下也如此。詩云。有覺德行。四國順之。

聖治章第九

曾子曰。敢問聖人之德。無以加於孝乎。子曰。天地之性。人爲貴。人之行。莫大於孝。孝莫大於嚴父。嚴父莫大於配天。則周公其人也。昔者周公郊祀后稷以配天。宗祀文王於明堂以配上帝。是以四海之內。各以其職來祭。夫聖人之德。又何以加於孝乎。故親生之膝下。以養父母。日嚴。聖人因嚴以教敬。因親以教愛。聖人之教。不肅而成。其政不嚴而治。其所因者本也。

父子之道。天性也。君臣之義也。父母生之。續莫大焉。君親臨之。厚莫重焉。故不愛其親而愛他人者。謂之悖德。不敬其親而敬他人者。謂之悖禮。以順則逆。民無則焉。不在於善。而皆在於凶德。雖得之。君子不貴也。君子則不然。言思可道。行思可樂。德義可尊。作事可法。容止可觀。進退可度。以臨其民。是以其民畏而愛之。則而象之。故能成其德教。而行其政令。詩云。淑人君子。其儀不忒。

紀孝行章第十

子曰。孝子之事親也。居則致其敬。養則致其樂。病則

致其憂喪則致其哀。祭則致其嚴。五者備矣。然後能事親。事親者居上不驕。爲下不亂。在醜不爭。居上而驕則亡。爲下而亂則刑。在醜而爭則兵。三者不除。雖日用三牲之養。猶爲不孝也。

五刑章第十一

子曰。五刑之屬三千。而罪莫大於不孝。要君者無上。非聖人者無法。非孝者無親。此大亂之道也。

廣要道章第十二

子曰。教民親愛。莫善於孝。教民禮順。莫善於悌。移風易俗。莫善於樂。安上治民。莫善於禮。禮者敬而已矣。

故敬其父。則子悅。敬其兄。則弟悅。敬其君。則臣悅。敬一人而千萬人悅。所敬者寡而悅者衆。此之謂要道也。

廣至德章第十三

子曰。君子之教以孝也。非家至而日見之也。教以孝。所以敬天下之爲人父者也。教以悌。所以敬天下之爲人兄者也。教以臣。所以敬天下之爲人君者也。詩云。愷悌君子。民之父母。非至德其孰能順民如此其大者乎。

廣揚名章第十四

子曰。君子之事親孝。故忠可移於君。事兄悌。故順可移於長。居家理。故治可移於官。是以行成於內。而名立於後世矣。

諫爭章第十五

曾子曰。若夫慈愛恭敬。安親揚名。則聞命矣。敢問。子從父之令。可謂孝乎。子曰。是何言與。是何言與。昔者天子有爭臣七人。雖無道。不失天下。諸侯有爭臣五人。雖無道。不失其國。大夫有爭臣三人。雖無道。不失其家。士有爭友。則身不離於令名。父有爭子。則身不陷於不義。故當不義。則子不可以不爭於父。臣不可

以不爭於君。故當不義則爭之。從父之令。又焉得爲孝乎。

應感章第十六

子曰。昔者明王。事父孝。故事天明。事母孝。故事地察。長幼順。故上下治。天地明察。神明彰矣。故雖天子。必有尊也。言有父也。必有先也。言有兄也。宗廟致敬。不忘親也。修身慎行。恐辱先也。宗廟致敬。鬼神著矣。孝悌之至。通於神明。光於四海。無所不通。詩云。自西自東。自南自北。無思不服。

事君章第十七

子曰。君子之事上也。進思盡忠。退思補過。將順其美。匡救其惡。故上下能相親也。詩云。心乎愛矣。遐不謂矣。中心藏之。何日忘之。

喪親章第十八

子曰。孝子之喪親也。哭不偯。禮無容。言不文。服美不安。聞樂不樂。食旨不甘。此哀感之情也。三日而食。教民無以死傷生。毀不滅性。此聖人之政也。喪不過三年。示民有終也。爲之棺槨。衣衾而舉之。陳其簠簋而哀感之。擗踊哭泣。哀以送之。卜其宅兆而安措之。爲之宗廟。以鬼享之。春秋祭祀。以時思之。生事愛敬。死



事哀感。生民之本盡矣。死生之義備矣。孝子之事親  
終矣。

孝經終

嘉定孫德餘校

# 孝經音

夫孝夫音扶下同

吾語汝語去聲

不敢惡惡去聲

不離離去聲

不敢道道去聲

德行

行去聲

擇行

行美行並去聲

怨惡惡去聲

事長長上聲

以養養去聲

夫孝夫音扶

民之行行去聲

而治治去聲

先之先去聲下同

興行行去聲

好惡好惡並去聲

孝治章

治平聲

以孝治天下治平聲

治國治家同平聲

夫然夫音扶

以孝治天下治平聲

德

行行去聲

聖治章治平聲

人之行行去聲

夫聖人夫音扶

以養養去聲

而治治去聲

悖去聲

可道道去聲

可樂洛音

紀孝行章行去聲

養則致其樂養去聲樂音洛

三

牲之養養去聲

要君要平聲

治民治平聲

愷悌悌上聲

移於長長上聲

治可移治去聲

行成行去聲

若夫夫音扶

是何言與平聲與殿同

身不離離去聲

焉得焉平聲

應

感章應去聲

長幼長上聲

上下治去聲

必有先先去聲

慎行行去聲

盡忠盡音德

佞上聲

不樂洛音

上海图书馆藏书



A541 212 0007 0062B

# 孝經讀本姚氏學

本書是上海姚明輝先生闡明孝經之傑作  
讀孝經者須閱此書

每部定價國幣兩角

孝經句解 (附二十四孝故事并圖)

每部定價國幣一角

孝經讀本 (唐石臺本)

每部定價國幣八分

上海春江書局出版



中華民國二十七年十一月初版

唐石本 孝經讀本

定價實售八分

校印者 尊經書局

發行所 春江書局

印刷者 百宋印局

總發行所 上海孝經書局

分售處 上海四馬路

Handwritten signature or number